

էին զօրպայք, նոցա կապայ ագուցեալ և խիլայեաց: Եւ ի պահու երեկոյիս բերին զՀասան աղան, զոր էր ի պահեստի առ վէզիրն, և թագաւորն պատուիրեալ էր ի ժամուն յայնմիկ զոր եմուտ առ նա ի ծածուկ, եթէ Որքան խնդրեցին ծառայքն ի ներքուստ՝ ետու նոցա, այժմ ետու հրաման ի ձեռս քո, զի որքան գրեալ անուն կայ ի տէֆտէրն՝ գտեալ սպանցես: Եւ յայնմ ժամու վէզիրն ևս բան եղեալ ընդ թագաւորին թէ Կիւս առ քեզ և թախլիս անեմ զՀասան աղան, հրամայեա՛ թէ սպանցի: Եւ ի պահուս եմուտ առ թագաւորն որպէս զի թախլիս արասցէ թագաւորին թէ Սպանանեմ. և նա որպէս ուսեալ էր յառաջագոյն՝ հրամայեաց թէ Սպանցի. ինքն իբր թէ չիք ի մեղս կերպարանեցաւ այնմ բանի. չարկամ էր նորա, բայց զայս առ երես արար, զի յորժամ առաջին վէզիրու թենէն որ մանդուլ արին, նա՛ Հասան աղան բազում պաշարս եղ առ նա և բազում ծախս և պատիւս աբար նմա, և յետ գնալոյն զծախս տանն վէզիրին տեսանէր բազում անգամ և սիրեցեալ եղև յաչս սուլթանի նորին և յոյս ունէր եթէ փրկի վտանգէն. վասն այսորիկ և վէզիրն զայս բան առ թագաւորն ձգեալ և ինքն չիք ի մեղս եղեալ: Եւ ետուն ի ձեռս գահձացն զնա և նա խեղդամահ արարեալ, տարեալ արկին ի տես ռամկին լընթացս ասպարիսին, զոր եկեալ բարձին առաւօտուս Ուրբաթի (7 Մարտի) ընկերք նորին և բարեկամք և տարեալ եղին ի սահմանս տանն նորա, զոր անդ շինեալ էր զպրանոց Տաճկաց տղայի և աղբիւր բերեալ և գերեզմանատուն շինեալ իւրն:

Եւ ի սոյն օր մի տաճկի տղայ զՏօնաւագի որդին խաբեալ և ընկեր առեալ իւր և մտեալ ի Պէղաստանն և գողացեալ մի սնտուկ գանձիւք և ելեալ ի Պէղաստանէն թէ երթան: Տէր նորա գիտացեալ, զոր ել ընդդէմ նոցա բարձեալ զսնտուկն, եւ տաճիկն փա-